

Zehn Jahre Zunft: Kurzer Vers  
Zunftessen 1999

\*\*\*\*\*

Jetzt hei mer si scho sit 10 Jahre  
diä Zunft zum Schtab, si isch en Hit,  
und mir si mit ere guet gfahre,  
und all's isch froh, dass es si git!

s'Lieschtel tüen mir bi villne Sache,  
sigs sozial, sigs kulturell,  
eifach vo eus us öppis mache,  
wo's zhälfe git sin mir zur Schtell.

Me ghört zwar munkle immer wider,  
es siget **niä** gar all derbi.  
Beschtimmt wei alli diä Mitglider,  
di **nächschte** 10 Jahr zvorderscht si!

Mir hei es **Zil**, mir hei Ufgabe,  
wo mir in Zuekunft mache wänd,  
da söttet möglichscht all atrabe:  
**Vil** chunt nur z'Schtand durch **vili** Händ.

Damit in Zuekunft Zunft cha blibe,  
bruchts **Zünfter**,bruchts ä lange Schnuf,  
obwohl mir's nüd wänd übertribe,  
nämet mer drum en **Neue** uf.

Ich wünsch der Zunft vil guete Wille,  
vil Glück, vil Chraft, Elan und Mum,  
**so** söll si offe und im Schtülle,  
schtarte ins neu Millennium.

A. Jäger  
Zeremonienmeister